





方是閒居士小

慕

有隱君子劉習



先



孫七



子也飲酒賦詩自其家風年未五十忽移家築

室於南山之下疏林別藪引泉植竹蒔魚種秫

造亭立館其最宏敞者乃方是閒堂也堂據池

上芙蓉碧水桃霞梅雪具勝四時若壺天然日

與佳客飲、醉吟詩、成更酌或至達旦明日

復然若竹林避世者今十年矣游季仙近得其

新舊藁一編歸以相示予歎其筆力豪放詩磨  
香山之壘詞拍稼軒之肩至若松江峭遍直欲  
與蘇仙爭衡真奇作也使屏山先生七者翁  
二君子不沒見其若子若孫如此豈不欣愜不  
惟季仙溟滓弟之雖老漢亦須放之出一頭地  
但近世詩人零落殆盡無可攷訂前輩唯一章  
泉老人近在玉山予欲為之指出以求印證季  
仙學詩於習之者當毋各一往嘉定十年立冬

日溪翁劉淮叙

方是間居士少集從元刻本錄出程朱所撰  
曝書亭中物也惜脫其下卷矣以信甲子  
十月十日古城西草堂徐氏收錄

自溪翁還閩游李仙足跡不復到吾廬今日忽  
犯寒來問其來之故則袖有所銜出之乃吾契  
家劉習之詩與書邊發緘觀之令人應接不暇  
自邠至申大略已盡大抵古今詩文一事耳若  
次而言之則所取或多極而言則然者蓋寡習  
之詩佳處固多矣如與二猶子迭生荔枝詩驪  
山往事不古監良嶽馴致胡雖狂如夏雨嘆舊  
會既收新會降至遂令百姓愈惶感之類殊有

風人之體如追和林子仁絕句不類和者如武  
夷山長句欲刪十年不到武夷山幾與神仙  
絕徃還我見溪山渾似舊溪山見我鬢毛斑自  
是一好絕句昌蒲記不惟贊詩俱佳而記三十  
四盆斛亦有筆力所寄兩集既經平子矣而習  
之因溪翁之言必欲使李仙問我我見如此李  
仙口雖諾矣未知其心以為如何又未知習之  
以為如何又未知溪翁以為如何溪翁劉氏字

叔通習之名學箕季仙名柳嘉定丁丑十月廿  
九日東里趙蕃昌父書

喬木故家何地不有聲名解愈久彌著 以文

獻未墜也維

忠顯劉公節詞凜然

少傳 甬山先生大勲粹學前後照映我外祖  
忠肅公又為近世名樞輔

諸舅角立頡頏縉紳之林可謂盛矣

方是間居士乃獨隱約遊戲翰墨間所以振起  
芳烈者蓋在此而不在彼必急試邑道德之鄉

負念一掃

居士之門忽不鄙賜書且

教以小藁兩集風啓展玩洞心駭目左酬右接  
竟日不暇讀羊生荔枝詩云書生不負鑿國手  
賦成何日奏明光和辛稼軒金縷詞云國恥家  
讎何年報中夜聞鷄狂起舞固知居士之立  
志即

忠顯

少傅

忠肅之志而養浩堂分題則深

悟乎持養志氣之不蚤又知

居士之講學即

屏山先生之學也

劉氏文獻其真不墜矣

居士負挾所長施用未究是豈終隱約者耶必  
忽嘆嘉不足期望實勤若夫律語之工詞藻  
之富見於林止之勝賞寓於湖海之高興則有  
東里溪翁二雋老品題可以證信非必忽晚

陋所敢贅贊也嘉定戊寅上元日甥開封趙必  
愿再拜敬書

至正庚子仲冬  
屏山書院重刊

方是閒居士小藁上卷目錄

吾廬寓言

石假山歌

社日喜晴

插秧歌

醉歌

白山茶

紫溪莊舍感舊十四首

舟行二章

鈞山廨宇題壁

道間池亭小酌

太湖書懷

夜夢作春詞二首

古交行

贈琴士蕭長夫

溪橋晚步

和張政仲見寄三絕

演平渡度姪別入城

政仲留飲醉書

送連景昭歸三山二首

侵曉書懷四絕句

田家二首

環洲江氏園

將口道中



妙湛寺

晚望

溪園

栽竹

種梅

書懷

簡康姪永先居石山

宿興園寺方丈與客對床

秋池曉步賦獨開荷花二首

偶書長句

養浩堂分韻得氣字

舊園採荅

和劉伯益嘲菊韻

賦康姪家古洲寄盆梅分韻得言字

飲庶姪家和陳簡齋蠟梅韻

北山園山石為盜所竊賦詩紀鬱：

送術士周南

春夜彈琴有懷

瓊花二首

送庾姪親迎延平李先生家

傷歌行

夏雨歎

廡庭兩姪送荔枝分韻得緗字

齋中賦梅次宋鮑參軍韻二首

二月二日東屯感懷

野館

閑居即事

紫溪莊即事

雲際峽中

西巖觀瀑布簡沈莊仲三首

窰前小酌和外舅安撫韻

題壁

遊九曲

武夷山

鵝湖道中

分韻得雪浪齋石

伯益元正留飲二絕句

次伯益三詠三首

送度姪親迎傳氏

寄謝叔通宗兄題耕隱詩韻

寄題吳介父專壑七詠七首

和林子仁梅花絕句

妾薄命

中秋分韻得雲字三百言

賦祝次仲瀟湘八景八首

僊洲呈伯益莊仲

密庵題壁二首

責席

光化儲文惠桃

安康中秋書懷

七禽詠七首

鄭鄉舟中睡覺書懷

甲口翫月

蜀口桃上

淨口二絕句

釣磯待舟

溪亭醉卧和游季僊韻

溪園紀實和游季僊韻

新霽和人韻

次叔通推見寄二首

晚雨秋懷二首

再次叔通來字詩字韻一首

次叔通見寄苦雨乞米放心晚福四首

東屯監秬六言三首

簡趙行之陳敬叟

追和陳洮湖韻

和林慶士梅花詩八首

與政仲山行見梅偶成併和其詩二首

賦水僊花得鴻字

感事懷人送春病酒晚起五首

賓從集藕花堂分韻得園字二十韻

外舅安撫賦荷花一聯云潤衣紅濕池

荷雨拂面清冷檻竹風令足成之

楊司戶用外舅二詩韻見寄和以酬之

請遊山之日於黎文廣二首

傳易數上王通字和詩附

方是閒居士小藁上卷

吾廬寓言

五峯之山環吾廬五峯之水清溜渠山水可樂  
去情可娛五畝之宅莫厭居清湖列嶂開坐隅  
白沙栽煙岫鋪崇山梅嶺豁望眼高門堦昇  
聯襟裾况當春晚積雨餘綠褥翠疊青珊瑚桑  
麻滿路人意好鳴禽上下聲相呼迄今八月九  
月初楓林隔水紅凋踈秋場稻熟聽蓬櫟小槽

新釀傾真珠昨宵一雪飛璫璵遠山送山光凝  
酥群峯突兀不敢覩銀壁照耀天鬼塗千金不  
須買盡圖丹青縱有盡不如風景萬態朝昏殊  
天成此畫人難摹蹊荒圃廢幾朝夕一日築居  
天賜予四時遊觀心良舒考槃在阿歸來乎乃  
歌曰採於園兮籃有蔬釣於水兮筐有魚余之  
弗歡兮其誰之歡歟又歌曰惠風清兮出有車  
芸香芬兮讀有書余之弗樂兮其誰之樂歟清

湖白沙崇山梅嶺高門董阜皆屋側山名

石假山

潭溪散人方是閒真山不愛、假山呼童積疊  
石磊砢遠近便擁峯與巒晴嵐滴翠明牕前清  
影掛壁方池邊色侵書帙日華薄立壑坐上生  
雲煙雲煙收霏苔蘚綠山石傍頭更栽竹三竿  
兩竿韻不俗搖蕩清風涼意足方是閒人當此  
時以假像真人謂奇或來靜對酌美酒或來宴

坐哦新詩吟詩搜索縈心脾酒醉落魄精神癡  
吟詩飲酒且不可况復局上爭枯棋不如對山  
撫鳴琴三心三疊舞胎禽高山流水存至音古  
趣澹泊悅我心老泉三峯爛木村百年沉埋安  
在哉東坡仇池九華石只有佳篇傳入集此山  
亦猶今視昔與我同生亦同沒

社日喜晴分韻得前字

夜來急雨涼飛簷脫驚紅日輝潭川梨花有情

朝露重柳帶無力春風顛傍簾新燕低拂掠入  
檻戲蝶相聯翩今農天氣亦佳爾一春未見茲  
晴暄綠陰林下咲聲好簫鼓賽社祈豐年金穰  
屢豐豈不好米賤更苦人無錢太公九府法已  
弊楮幣印出私相權所司轉變無善策低昂用  
否難流傳縣官那更租稅急白紙不問黃榜蠲  
窮民非負寶無有里正罰責殊可憐吾儂雖樂  
此日美醕白醉倒春風前却愁煙雨暗春晚來



價頓長民憂煎

插秧歌

農夫戢：清波闊秧插：森石髮父兒呼喚  
手拔齊千把萬把根連泥四更乘月躅隴陌曉  
煙漸散東方白歸來喫得飯一盃擔到田頭汗  
似珠蹲身擘叢種入土不問朝昏與亭午肌膚  
剝裂肉起皮烈日終陰又風雨秋收幸值歲稍  
豐穀賤無錢私債重連忙變轉了官賦霜雪凍

餓愁窮冬吁嗟曰民天地間服田力穡良獨艱  
寄言安坐西方輩汝飽不慚吾厚顏

醉歌

讀書求見古人心閉門不知青春深夜來東風  
掃浮陰曉光薄林生遙岑搜尋不覺出門去綠  
暗溪邊楊柳路詩章立願不復作會景那知自  
成句歸途晤語誰與從眼前物：俱春工崇桃  
積李事已晚牡丹正嚴醪釀穠白茶照入冰雪

同紅茶燒空猩血紅金沙雨晴翡翠積海棠露  
濕烟脂重急呼詩朋喚酒伴高堂共泛琉璃鍾  
夜闌秉燭相對語謾道今人不如古士放達  
醒者稀今人不飲徒自苦

白山茶

白茶誠異品天賦玉玲瓏不作燒燈焰深明韞  
積功易容非世力幻質本春工皓々如難汚塵  
飛謾自紅

紫溪莊舍讀癸丑壁間舊題轉眼忽十  
八年同遊十不存一滋蘭第亦作古人  
拂拭灑涕幾不能去因誦歐公詩云人  
昔共遊今有幾樹猶如此我何堪以是  
為韻感懷成十四章庚午四月中澣  
維昔舊遊十有八春中間往來合散風塵詞翰  
在壁瞻之愈新憶我仲第眇然懷人  
吁嗟人生年不滿百天地圓形百代過客去日

苦多來日苦窄我昌不樂慨念疇昔

卅角燈牕硯席是共春山朝吟秋堂夜誦棄背  
三年心骨沉痛幾夜見君似夢非夢

念昔童稚汎然若舟惟我與君孤芒同脩博文  
約禮匪遨匪遊子方盛年遽赴玉樓

朱垣素壁醉墨淋漓虛堂重臨思古傷今文不  
忍誦盟弗可尋郎事即物救淚痛心

舊題墨妙龍蛇戶牖步驟歐虞模倣顏柳醉裏

百篇冥搜九有天胡奪我張仲孝友

屈指友于祇今存幾自仲之去失此奇偉言不

勝情心旌憤排哀哉蒼天雨淚如洗

團、庭柯清美無度今我來斯忽然老樹偃蹇

輪囷剝蝕摧蠹朱顏薜華詎得如故

興念陳迹夢寐吾猶植杖風雪某水某丘日居

月諸循環靡休迭爾遄邁曾不我留

憶自束髮茲為寓居載思載瞻宛不異初極目

遐桃清風穆如撫事懷人悲來感余  
少生四方遊紫之水每有良朋見止遇止長哦  
伐木求友乎此樂以忘憂云胡不喜  
維親與朋雜然滿坐華屋連甍紅紫繁夥半世  
重遊霧迷烟鎖慨然撫膺謬悠老我  
念昔考槃顧人之邁琴豆觴酒寤寐咲歌逝者  
弗返涕泗滂沱念彼不樂傷如之何  
賢乎仲弟和樂且湛自我不見歲籥換三百感

交集憂心如快山凝暮雲回首不堪

舟行三章

桂櫂兮蘭槳  
沂流兮汭洄  
天迥兮空明  
湍激兮聲哀  
水落兮石出路  
轉兮溪回  
鷗飛兮山淨  
魚戲兮藻開  
淹留兮何為  
盍賦兮歸來  
扁舟兮容與  
浮雲兮舒卷  
波澄兮練橫  
山秀兮屏展  
散髮兮平岡  
濯纓兮清淺  
皇兮何之路  
長兮悠緬  
早賦兮歸來  
迷途兮未遠

容與兮扁舟長吟兮閑情白石兮離：秋雲兮  
雲：我思兮先廬水潭兮山屏帳空兮鶴怨人  
去兮猿驚早賦兮歸來涉園兮欣：

鈞山解宇題壁

莫遣離愁相絆縈九州之外盡愁城酒頻挹注  
幽憂浣詩苦冥搜太瘦生漠：草茵飛蛺蝶深  
深柳幄韻鷓鷯客懷未與成匆遽三沐三熏慰  
此情

道間池亭小酌

一曲芳池萬柄荷遊鯈潛躍水揚波竹孫楹檻  
風偏細梅子江湖雨正多凡物寓時俱意得謂  
予不飲奈愁何暫來徙倚又還去猛拍欄干浩  
浩歌

太湖書懷

清風起平湖白雲生澗陰佳時慘不樂羈思苦  
難任客子熱中腸浩然懷故林仲夏倏已過草

木鬱蕭森萬物欣有託吾生何崎嶇念昔歲甫  
冠自許雙南金只今墮危塗不如煙際禽山水  
所素願利名非宿心何當返故廬嘯傲蒼崖深  
兩鬢豈長綠勿枉吳霜侵

九月十八日夜夢賞春某氏園池賦春

詞二首題桂

芍藥花開日漸長小牕閑理舊笙簧憑誰為喚  
詩宗匠共賦留雲借月章

樓下醱醑壓架香翠圈帷幄覆池塘桃花浪暖  
魚成陣人倚雕欄到夕陽

古交行并叙

予因雲莊李達先遂識漁隱陳惟定  
二公博學多材藝獲從之遊幸矣賦  
詩一篇以見意

君居京江頭我任武堯曲平生風馬牛道路幾  
重複會面情相親卜室欣相隣願蓋一咲粲恍

然如故人君家義聚五百指堂上怡：奉甘旨  
收書萬卷不言貧撫卹孤嫠甚勤止我家焚獨  
與君似自我之出誰料理歲晚團樂未得歸感  
事捫膺但增耻知君念我留客裏每見時能具  
羞七心吐肺肝所同然尊酒論文日終晷古靈  
故家好孫子披覲芝眉因識李博洽多聞世希  
比頃刻龍蛇飛剡紙我慙學術殊不逮二君二  
君愛予心良勤交遊情鍾固以類愧以蕭艾聯

蘭薰常恐此時心易變作甘醴欲君持此心淡  
若秋江水古人心交尚道義今人利交尚權勢  
古道于今何寂寥傷心不識古交意兩君姿質  
俱精金百煉不改色愈明兩君體性如美玉渾  
厚：蘊諸積上映亭：巖上千歲之孤松下  
方磊：豐山百世之霜鐘松青不變四時色鐘  
鏗一朝振文物予何人哉得附驥勉：誰敢自  
暴棄日莫長歌伐木篇三復詩人琢磨義

蕭長公來訪示以諸公詩卷謂與予遊  
從之久不能一辭為贈頗相譙責予賦  
之不可辭亦不可皆有說焉名章俊語  
前後相望無類次乎其間是覩西子之  
容而自增醜耳所不容卻者予年十五  
時海山官丁受琴于長夫今予年四十  
與長夫有二十五年之舊辭之弗作其  
可乎因書長句

人主立志各有癖泐髓淪肌瘵無術君不學少  
年奏賦明光官又不能棄麻穀粟去作田舍翁  
苦心竭慮淡泊音手携三尺綠綺琴七絃指下  
叢然鳴于以求見古人心古音寡：失微妙鄭  
衛淫哇競蟬噪君獨優游夷愉廣厚而高明鼓  
有虞氏之南風賡之以文王宣父之操若人來  
索便與彈略不訑：見顏貌絕之不作衛次公  
卻之常嗤戴安道顧我與君幽趣同海山尚憶



初相逢我時十五始冠中君亦壯年氣如虹夜  
窻擁衾月流空促絃初學調商宮別來二十五  
春風我猶故吾君學通五音六律知者稀一生  
辛勤造精微心存至樂物莫移殆類聞韶子在  
齊洋洋盈耳不療饑任從妻子相號啼浮雲柳  
絮無根蒂世事乘除幾榮悴祇今物我俱忘情  
與君同尋方子春衛次公善琴京兆尹李齊道  
遣其子與遊請授之法次公  
身不復鼓

溪橋晚步

一帶清溪淺漾沙松橋橫渡野人家平林盡日  
霜風勁楓葉翻丹似落花

和張政仲見寄三絕

柘山盡處即屏山若隔蓬萊弱水間伐木歌餘  
凝望遠此心翻羨白雲閑

故人別去復一月三絕詩章寄我來我有青州  
四從事已令挈至待君開

葉畦菜圃足秋雨菊徑松坡未就荒請命當年  
嵇呂駕便同看劍引盃長

演平渡度姪別入城

前溪積雨浪拍天人立沙頭催渡舡溪雲貼水  
濕不起岸柳凝愁絲亂牽石泉涓涓響澗谷山  
樹濯濯延雲煙客程東西風袂翩去者自去還  
者還

句緣切

政仲留飲醉書長句

春歸無計堪留連川原暗綠屯雲煙涓涓澗谷  
聲潺湲夜來急雨春風顛天公知我愛山癖晨  
光薄林晚日出浮陰掃盡山屹立疊嶂層巒凝  
黛濕此時來訪故人居羶草為我開兵厨真珠  
滴槽不用沽沉酣相忘於江湖我不如阮公籍  
相逢一醉六十日君莫恸陶困明欵令明朝重  
抱琴且須相從痛飲師尊前落魄同襟期何如  
沉：深夜剪韭共春酌細誦工部生前相遇銜

杯詩

送連景昭歸三山用其韻

秋風乘興下三山不憚驅馳涉險艱  
別酒醉來仍更酌征鞍發去且須攀  
身安豈畏路千里道在元知命兩間  
從此莫教情斷絕尺書頻寄塞鴻還

得意難兼熊掌魚功名隨分勿求餘  
或先或後時而已將廢將行命也歟  
理性明中閑念慮雲

山深處著田廬君歸政好携妻子  
泉石尋盟飽

讀書 見白樂天草堂記

侵曉書懷四絕句

石泉宵冷、清響雜寒吹恍驚山雨來  
醒我一

覺睡

幽蟲聲唧唧感此秋夜長起坐彈鳴琴  
蘭缸炫

餘光

披衣啓外戶農光清可挹綠樹闕蒼煙  
遙認楓

葉赤

踈星澹河漢點：在秋水微瀾漾殘輝曲沼過  
遊鯉

田家

稻熟田間笑老農  
村鼓樂時豐  
新筍自酌  
花盈椀  
醉倒扶携夕照中

堆槃野柿間山梨  
酒美雞肥稻滑匙  
婦子團樂  
常見面  
一生寧識別離悲

環洲江氏園

欲覽環洲勝  
維舟步石磯  
踏舟隨野色  
穿翠任  
春霏地迥知  
山遠村彎覺  
水圍東風輕  
薄甚  
桃李亂荆扉

將口道中

沙平路軟足力健  
麥細桑柔春意深  
淥水一彎  
浮野鵝  
青山兩岸喚幽禽

妙湛寺

山迳盤紆露石根一溪流水兩山雲齊餘緩步  
青松下輪與蕭閑老惠勤

晚望

晚雨送溪上寒雲傍山飛白鷺去洲渚潛魚泝  
灣磯舉頭行跡少唯見暮樵歸

溪園

溪園闢平時疇左右接林麓沉々水浮堰泛々潭  
轉曲果木漸成行臺榭亦營築何時東風來吹

滿枝上綠

栽竹

綠筠移種不多時添我溪南一段奇會看明年  
春雨後滿林頭角籜龍兒

種梅

隱淪冲寂澹生涯芍藥櫻桃厭艷華別亂剪繁  
疎影瘦臨溪只合種梅花

書懷

園成日以待東風綠李黃梅已間叢種竹自期  
千戶等舉杯誰伴八僊同機忘鷗鳥情相狎興  
適琴書趣獨窮坎止流行隨所寓樂天知命一  
閑翁

簡康姪求先君石山

見好山如見高人遊世冀爾清淨身見拳石如  
接佳友手摩挲愛逾瓊玖我生嗜好不有冗長  
物寓意蕭閑祇在青山并恠石往年都梁得靈

壁名以催詩延座側去載還自嶠冢江女媧溪  
頭纔落帆山靈見知情不凡乞我清波一塊川  
墨塗岫巖屏山差我高雲衢五畝下著吾儂居  
牕扉面：挹山色真山假山互嶺岸舊藏英道  
數峯碧恠：奇：總拈出一丘一壑在胃臆煙  
雲盡向空齋集君家一峯良可惜埋沒庭除沙  
土蝕尚思阿翁存手澤何不遣歸慰岑寂楚人  
亡兮楚人得在彼在此理則一小詩代簡言從

容子心坦蕩詎執違與從儻令長鬚勤送似待  
予大書特書榜曰飛來峰

宿興國寺方丈與客對床

世間何事能感人詩人題詠為多情我亦執筆  
書長吟詩吟未竟情已盈古稱白頭如新傾蓋  
如故何似祇今握手見肺肝開口無毀譽古稱  
共君一夜話勝讀十年書何似祇今對床談子  
虛醉歌吟臺咲盧胡昨宵春月如晝明與君聯

詩到三更今宵夜雨如盆傾與君勦、直到街  
鼓鳴醒來莫問陰與晴但聽簷溜飛泉聲明朝  
又作穿雲行巾紗杖竹屨芒鞋過酒酌彼兒觥  
逢花賞其芳馨見賢者如接芝蘭對俗子譬之  
蚊云勿與物忤競勿為事絆縈陶然樂吾真是  
謂羲皇人是謂葛天民

秋池曉步敗荷萬柄一花挺然可愛伯  
益賦詩和韻錄呈元翰敬叟君明季僊

求同賦

蕭瑟秋池撼曉風  
江妃旋旆水雲空  
未教零落千擎雨  
尚借柔酣一點紅  
弊蓋高低騷客賦  
寒衣裁製楚人工  
誰憐夜枕驚殘夢  
恨在繁聲點滴中

楚騷有正有及予  
既以數語詠獨開荷  
花諸公寵和工甚輒  
拾餘意反作一章  
一從炎暑變秋風  
識破維摩色想空  
豈有三乘

無盡法尚憐孤艷  
十分紅唯慙寡陋  
吟懷劣諸賢句法  
工共倚闌干休悵  
恨典刑猶在四筵  
中予有金荷少刻  
當出之侑觴也

長句簡敬叟季僊  
兼呈端夫申父晦  
仲士生樗散甘嘉  
遯頰首衡茅敢尤  
怨良朋益友肯  
顧臨講貫漸磨  
篤明辨年來瘖  
啞瓶守口俗子  
汚人如避箭論  
交謾說笑金蘭  
厚貌深情半  
譏訕念君與我  
情不薄一忝從  
遊一親眷竭來



終日坐書樓喜劇論文幾昏旦麴生風味亦不  
惡抵死絕交良可歎曾中磊砢政須渠叨噪腸  
枯賴澆灌孟公舊不論升斗驚座半姿叢竒觀  
富文博學子游子秀楚翹英穎鋒見吾雖不敏  
逐後塵斬將搴旗共酣戰祇今便造無有何相  
與神期遊汗漫既無三雅伯仲叔不有巨杯解  
角散請觀管啓揚子雲欲作九原誰可喚酒不  
離唇元乃就三斗頓傾辭綺粲二公洞達疏通

豪妙語仍煩下一轉養浩堂中顯惠然急吐才  
華染柔翰

余少日不能持養志氣所暴多失邇來  
方喜問學之有益也近築小樓藏書樓  
之下建堂名曰養浩七客落成以善養  
吾浩然之氣分韻得氣字

吾非北宮黜挫若捷諸市吾非孟施舍量慮三  
軍畏一墮刺客流一入力戰士知一不知二遂

與聖賢異周孔得其傳偉哉孟軻氏講明不動  
心周問發竒秘氣壹則動志：壹則動氣浩然  
得所寄知言有深味嗟予篤學心一曝十寒廢  
立志苦不早少豈達茲義所適味善惡幾溺彼  
功利事情更歷多晚乃能自礪日用根本原至  
大至剛意餒然行有懔何謂塞天地服膺朋格  
言造次顛沛是

與政仲端夫敬叟季僊至舊圃采芡芙蓉

蓉金菊之妙時之所當艷者江梅海棠  
爛然照目可無數語紀之為書長句

秋陽杲：秋月明秋風冷：秋露清蕭騷池上  
萬松竹鳳笙龍管吹秋聲山亭與客坐夕陰眼  
照萬象前橫陳一年好處右此好妙質欲紀難  
狀名那知天上詩酒星翩然騎鯨未玉京浩然  
相對發思竒句法普現千古情詩成不用世間  
語五言七字虛皇吟霞明皎：芙蓉城香霏楚

楚月魄精海棠婉變鬪繁艷江梅冷淡同芳馨  
東籬采：萬疊金西疇更刈千頃杭人生得此  
亦不惡措辭莫謾悲愁生先生年來真脫俗看  
破世間榮與辱曾懷坦蕩適四時豈但芳華競  
馳遂祗今忘物：忘我物我兩忘機印可不知  
門外秋水深不識紛：朝市心榨頭新篋蟻初  
熟茨盤剥珠菱切玉是秋是春寫難語折花薦  
酒：痕濕萬綠空處罷休：八表神期汗漫遊

醉鄉廣大塵世促明日酒醒詩載續

和劉伯益嘲菊韻

虛隨斗轉屬中宵草木凌競菊粲條錢疊夕陽  
金僂僂蘂浮秋露玉鐫雕不隨俗子媚時好長  
伴幽人避世囂今夕殘林愧微逐曲肱只合友  
顏瓢

康姪招飲出示古洲所寄盆梅囑坐客  
賦詩分韻得言字

嵌空竒崛石一拳綠蒲攢劍森且蓄虬梅屈折  
龍蜿蜒蒼榦蘚蝕低盤根瓊英已露冰樣白香  
氣便覺凌芷蓀吁嗟培養幾歲月巧奪造化移  
小盆晴牕諦玩意無斁搜索物理究所原方圓  
高大僅尺許典章文獻皆具存橫斜踈瘦無不  
備宛若老樹生山園鄉拜疇昔少曾見此花何  
自來幽軒云是古洲老詩伯親手植此冰雪魂  
不忘交舊情好密春色分遺歸山樊吾家小阮

亦好事美不獨擅招第昆更呼賓友同勝集羅  
列槃饌開壘尊舉杯對花與劇飲情話款洽相  
咲言歸來漸是東方白醉帽歌傾風袖翻

飲東屯庶姪家賦臘梅和陳簡齋韻

釋迦黃面禪可誇色想熏漬霜中葩不然安得  
白玉藥而乃幻此黃金花信知造化真有灑蜂  
鬚釀蜜：釀蠟：凝花房豐不腴桃李漫山焉  
可如繁枝摘索燦栗玉吟搜西郊信秋扶小須

夜窻踈影掛明月是蠟是花君自別

北山園山石為形勢買盜夜半擇其尤  
者竊去累日懷抱作惡賦詩以紀鬱

素志薄利祿壯年榮林丘種樹疏間泉鑿沼開  
中洲堤平水瀟漫經遠竹淨脩梅塢夜月亂松  
岡曉風颺猶以景象淺欲廣巖壑幽疊石類竒  
品置身將侶儔磊砢質偉特嵌空神瑁鏤廬阜  
几上得巫峰坐中求每想雲氣噓遂覺烟練浮

曳杖日以樂縱懷吟無休一朝失警巡赤眉行  
盜謀夜半負之去公然從狗偷檢視所寇攘隣  
峴拔其尤此情實難堪遣命窮蹤由風聲雖有  
聞形勢莫可搜吁嗟世道降人弗士行脩竊珎  
入志慮攫金甘輩流不念溺所習竟為前哲羞  
今吾理自喻委心任去留甌墜雖不顧壁歸猶  
冀收

送術士周柟歸東陽

射策彈冠莫浪言，經丘尋壑且隨緣。誰能守分  
閑居世自斷，此生休問天久矣。知君該妙理，今  
焉過我話流年。歲寒事業相期重，欲植孤松驗  
果然。鍾輻事。

春夜對月彈琴有懷

一春：雨連春陰，今夕何夕。月滿林舉，頭遙望  
星漢碧皎。明鏡懸東岑，欄干浩歎。三顧影有  
酒，有酒誰與斟。我思兩弟，怨以暗邈，不可見愁。

歸心含愁，更奏綠綺琴。匣中埃蠹塵土，侵解絃  
更張，試促輪怨入懷抱。難成音兩君，青春竟瓶  
沉天闊，悵望商與參。高在上，杳難詰，矯首涕  
泗憂思深。欲結今生未了因，尚靳來世盟可尋。  
君遊九泉，聞不聞，安知阿兄心悲吟。

瓊花

團簇繁英，玉碎圓露晞。日暖欲生烟，親從后土  
分奇種，不是人間聚八僊。

繁釐觀裏舊經遊五月曾看綠葉稠今日家園  
玉棹樹春風吹夢到揚州

送庾姪親迎延平李先生家

庾郎吾家千里駒朝莫勤苦讀父書少年綽有  
老成態月旦考訂評鄉閭明當別我擇賢妃去聲  
結束琴劍誰挽裾春空吹晴惠風暢煙草弄色  
和氣舒野橋融洩柳絮合石岸慘愴鳴鷄鷓鴣乘  
龍有期弗獲錢數椽政葺淵明廬旅愁冥思莫

排遣離恨掛臆難掃除况當春晚氣暄淋着人  
歎醉甘醴如脩程所囑善養攝禮畢蚤辦雙  
輿婦翁傳道世大儒習俗再使淳古初稔知賢  
舅繼家學子如從之師有餘歸來阿叔待審訂  
義路禮門從廣居

傷歌行

原：而來白日跳丸莫可留混：而去青春過  
隙不能返誰憐生者長自懼不念死者日益遠

吁嗟此理從古然世事浮雲共舒卷我生顧影  
空伶仃鴈序零落如曉星悠悠天道不可詰黯  
黯悲恨無時停可堪嫠婦束行李挈取稚子同  
歸寧

夏雨歎

君不見去年六月田作龜兆圻禱祠乞雨遍村  
陌時當饑饉民不聊穀貴有錢無處糴今年六  
月歲幸豐十日一兩五日風市積粟米價不長

有穀無錢人更窮吁嗟此道孰識測街頭細聽  
老農說往年兵興錫賚多官會頒行姑濟急舊  
會既收新會降所司稱提苦無策朝廷明許同  
見錢便當流轉同貨泉不應州縣首逆旨榜示  
墻壁徒奉行庫頭令賣小印齣輸納租稅私相  
權通來輸納租稅並用就官庫買否非錢買齣  
用不得執幣噴、煩有言遂令百姓愈惶惑行  
之與否誰使然小臣空負濟時術閭闔九重無



路入何當奏計承明廬傾側賈生長太息  
廡庭自三山送荔枝分韻得緗字

炎精孕秀儲氣祥荔枝結實魁群芳我有猶子  
客南服千里眷念情不忘星馳走寄一千顆伏  
暑火熾勞取將筠籃初開氣芬溢稍覺四座浮  
清香驪珠燦爛光奪目瑀盤釘餠羅滿堂先廟  
未獻不敢嗅色味雖鮮那敢嘗少須祀畢分送  
似賓友拉至紛攫攘絳囊初剝折霞縷玉臉一

綻流天漿手持柰此水晶粒地積更詫雲錦裳  
海鄉因記少日好遶樹食啗高價償婆娑碧綠  
擁平野丹苞殼皺暉朝陽初驚星火爭耀熠久  
訝彩鳳爭翱翔薰風吹開碧雲葉綠水宛類翻  
頰魴只今老大將底用食此感激意故長君不  
見方紅陳紫列紺緗三十二品裁中郎丁香核  
小味甘潔何似釵頭十八孃天生美實限南北  
長安路遠價愈強只今生食享至味不數蜜漬

鹽蒸方又不見宣靖文物全盛時貢輸不減開  
元唐輜車縱橫繡衣使海內騷動封紙黃妙品  
人間那可得置以走輟加浮航似聞供上祗織  
悉徃盡入公侯王驪山往事不古鑿長嶽馴  
致胡鷄狂互今故老尚能說空使悲憤縈肝腸  
書生不負醫國手賦成何日奏明光不如且喚  
吳姬輩咲擘輕紅入醉鄉

梅花自秦而下無一語焉至宋鮑參軍照

始賞其音而寓之詩然則梅之見于賦  
詠者實自明遠始也用韻二首

梅花落

唱首鮑照明遠

中庭雜樹多偏為梅咨嗟問君何獨然念其霜  
中能開花露中能結實搖蕩春風媚春日念爾  
零落逐風颿徒有霜華無霜質

落梅

片、玉零亂寒風生驚嗟凍雀相飛鳴挽啄苔

上花鳴飛饑腸不能實却上煙稍照斜日愁逢  
冷淡太寂寥不似春風艷陽質

蠟梅

色異政自貴香清未堪嗟靈蜂擅造化幻作姚  
家花丰姿輕明體充實染透薔薇毓晴日從稱  
紫暈黃檀心桃李依然是凡質

二月二日東屯感懷

春波渺：柳依：芳草侵街蛺蝶飛萬景橫陳

空物是一區幽僻念人非沉悲逝者去不返  
挽已而今昌歸回首鶴鷓原上路感懷贏得淚  
沾衣

野館

野館春歸後橫塘度柳綿輕風翻麥浪細雨落  
花天草褥迷三徑苔紋疊萬錢山禽自呼喚水  
竹倍清妍

閑居即事

山水縈洄處士家春林環合翠交加行吟溪岸  
牽垂柳坐倚欄干數落花萬卉萬葩天長養一  
丘一壑我生涯長瓶芳草醺然處不向愁邊感  
物華

紫溪莊即事

嶂碧楓丹色倍鮮路回烟裊認前川霜陰釀晚  
意將雨風厲裂雲時見天古木葉彫烏矍鑠平  
田沙冷鷺聯拳稻梁割盡村原迴落日牛羊傍

眠

雲際峽中

野渡煙迷谷寒潭水漲沙入雲千萬岫出塢兩  
三家澗古泉仍石山空菊自花柳塘冰欲結相  
對祇棲鴉

西巖觀瀑水簡沈莊仲三首

雲潤衣裾夕露霑懸崖一水散踈簾精廬隱約  
青山下縹緲飛甍出畫欄

踏石穿雲野興添，傍崖昌歎綠纖纖。幽人近得  
安心術，擷滿湘籃意未厭。  
暮雲新月一鉤鉤，鑣歸路溪風動碧蕙。美酒不妨  
車後載，夜深無處認青帘。

窳前小酌和外舅韻

五馬旌旗去路長，筍輿穿翠度羊腸。霜餘綠橘  
漿尤美，秋晚黃花氣倍香。勝景形容詩入詠，羈  
情排遣酒傳觴。風流太傅何須詫，獨載東山窳

窳孃

題壁

午日柳陰正，曉風花氣新。川明魚泳水，林靜鳥

啼春

遊九曲

三十六峯高，挿天來遊誰不慕。真僊幔亭舊事  
隨流水，空自溪頭喚釣舡。

武夷山

千年不到武夷山  
幾與神僊絕  
往還九曲依然  
青嶂裏一峰仍插  
畫欄間  
潺湲野水溪  
隨轉縹緲秋雲  
意自閑  
我見溪山渾似舊  
溪山見我鬢毛斑

鵝湖道中

去城十里路盤紆  
幽徑平岡駕小輿  
認得鵝湖山下路  
綠松巖畔擁僧廬

分題得雪浪齋石

四海廣大萬山立  
竒恠齒岸幾巖石  
棄而違者庸有之  
愛樂去聲每恨沙土蝕  
忽然一旦獲所遇  
刮垢磨光呈美質  
騷人諷誦脫諸口  
世寶不減和氏璧  
東坡居士豈好竒  
偶尔得之心良怡  
巨盆沃以清漣漪  
脉絡雪浪縱橫施  
平生我屢哦此詩  
恨不見石心飛馳  
何人志古墨寫跡  
剡藤染就貼東壁  
似是而非不可知  
誦詩對畫長嗟

咨

伯益以玉舟相酬酢席上口占二絕

新年殊未有吟搜美酒醺人不自由多謝主人  
情意厚玉舟三度轉舡頭

元正講禮詎能忘便辱留連設酒漿指一舡  
春盎、嵇山應未愧知章

次劉伯益三詠韻

方竹

烟梢脩矗畫簷伍春曉叢踈綠玉枝節立孤高

虛靜處身持敬義直方時清風憂玉聲搖佩明  
月節金影散墀寄語幽人勤愛護莫教斲削俗

髡世云削圓方竹松間喝道花上照棍皆  
知殺風景之甚者俗髡事見李衛公雜說

耐冬子

雪裏婆娑結子任山童應亦訝早枝幾年開落  
慙無取一日搜吟信有時紅實繁、臨曲砌丹  
苞簇、耀幽墀古今未見多題品却恐君詩取

世知

金鳳花

鮮華五色翅飛低不比尋常鵲踏枝德茂翱翔  
丹穴日琴清調弄紫庭時羞同鷄鶩喧堂宇咲  
把金銅鑄殿墀何似花桐自生長幽芳端不在  
人知

度姪從事行親迎之禮於傅氏朋舊各  
賦詩贈別老叔雖淒涼阮巷老大謝家  
無可數語以餞行色

曉露沁桃臉東風搖柳絲小雨歛香塵山川發  
華滋今晨天氣新滿路春融怡祖餞賓從懽喧  
譁車馬馳問云何為者吾子有所之而之道匪  
遙求友貴及時婚姻古則然制禮今或虧琴瑟  
因好合蘋蘩尤謹持擇耦得賢柔令淑全婦儀  
豈但榮己身實將慰母慈冰翁君子儒材術世  
吏師聽訟鑑燭物明不差毫釐子既獲晤承朝  
夕廣見知士生三日別猶以刮目為此行諒經



月歸計春仲期非吳下阿蒙行可驗措施心廣  
體自胖勿溺小智私門戶要人興責望夙所靳  
廟見事唯謹過邁母或遲語直殆逆耳願當深  
致思

寄謝以通宗兄題耕隱詩韻

雲隴躬耕新雨足東阡南陌水滄淪市朝軒綬  
秋多事鹿豕漁樵欣與隣我欲為謀三畝地東  
亦欲携家三畝地結茅為子隣叔通云君能來共  
詩借我三畝地結茅為子隣叔通云君能來共  
亦欲携家相就住尚堪同作耦耕人

一犁春蚤知世路風波險俛首無令愧野人

寄題吳介夫專壑七詠

壽藏

負鍾劉伯倫坐壙司空圖誰為後來達息庵與  
之俱

息庵

日出機事生日八群動息吁嗟利名子逐、何  
所急

止宿

大略古茅塞問津欲何從  
雞黍相款留賢栽植  
杖翁

負閑

鍾鼎本玩世富貴徒苦人  
何似天地間蕭然一  
閑身

洪澤

酌彼洪澤水吾知非盜泉  
舉世望甘霖喚起神

淵

橫舟

山崦少人渡夕陽橫  
釣艇顛風捲重陰急浪揚  
層波

專壑

竹原與草堂轉眼事非舊  
一壑今獨專造物有  
付授

余讀林子仁詩云君心恨不  
走天涯不

比衰翁只戀家最是橫塘黃葉路今年  
無伴折梅花時吟此詩念劉伯益之未  
返偶檢校前村南枝的皜已三花五蘂  
矣忽伯益自黃檗歸訪余折歸挿玩知  
友用之念有同然者對花劇飲用韻述

懷

梅邊春興浩無涯長憶西湖處士家我政念君  
君過我夜窓同共醉踈花

妾薄命

佳人命薄今古悲苦樂在人知者誰鏡裏窺損  
春黛眉洞房不出藏繡幃二十許嫁豪家兒阿  
爺已受筐篚儀心旌暗許良人隨那知中道前  
議非父母反覆志願違嫁歸只得隨身衣金幣  
粧飾無所齎婦德婦容雖守持阿姑色厲妯娌  
唾良人輕賤恩意虧春波不似鴛鴦齊春風不  
如雙燕飛妾非無聲不敢啼妾非無淚不敢垂

此身自恨生不時，怨讎父母將何為？  
不如携將六尺帛，黃泉冥行與世辭。  
父母安用深致思？此身期與良人知。

中秋分韻得雲字成三百言

今秋苦淫雨，漲汐添溪瀆。新涼值月夕，密霽高  
燦燁。稽首告天公，懇念心良勤。天公知意識，感  
應若有聞。須臾撥豐隆，蘋未生鱗紋。庭臯一震  
拂隴首，飛秋雲。忽然朗穹昊，萬象蒙奇勛。舉頭

見松梢，光照草樹分。乾坤兩瑩徹，爛白無邊垠。  
我歌忽如狂，我醉茫如熏。桂酒雜柑漿，醞釀騰  
馨芬。皓魄耿素懷，出思殊不群。冷然冰雪腸，頓  
醒翅。蘖醺便欲泥，沆瀣盤饌遺。羶葷遙望瓊樓  
僊，霧綃青霞裙。何當下招呼，上征離塵氛。去年  
當此時，浩飲逢諸君。今載復肯來，持杯共論文。  
相從豈無他，群聚徒飛蠶。苟得嗜利輩，抑何掛  
牙齧。豪傑所願交，黃金勝千斤。喜得詩謫仙，恨

去髯將軍衆子賢共推奚用區  
猶薰愛客綽祖風滿席生歡  
欣叅橫斗轉杓魔崇相糾紛  
欲眠君且去陶語吾亦云慷  
慨有大劉浩氣充棟棼十觴  
不能醉餐嚼無餘臙鳴雞忽  
唱曉杲日東方所歸路襲桂  
香幽巘麝沉焚

賦祝次仲八景

瀟湘夜雨

移艘繫灣浦傾蓬聲更豪  
謾起湘妃恨長歌靈

均騷曉汐漲何許微茫泛江皋

江天暮雪

雲癡天四合密雪灑石砭  
野渡滅行跡岸沙橫孤艘  
誰憐鶴髮翁披蓑釣寒江

山市晴嵐

貿易足魚米相逢話桑麻  
村墟人蟻紛日夕山氣佳  
酒賤醉薨甌樵漁自生涯

煙寺晚鍾

鍾聲煙際來佛屋棲雲端回颿度嵯谷踈韻出  
林巒東岫上明月歸僧濯清湍

漁村晚照

輕蓑著篷背日暮漁者還新月印淺水夕陽生  
亂山誰歌采菱詞隱：過前灣

洞庭秋月

木落露君山空明夜氣浮冰輪揩鑑淨皓彩漾  
波流空外數聲笛孤吟人倚樓

平沙落鴈

水落舟渚闊天寒風雪微白雲排序下聚翻與  
沙依饑啄蘆葦根何時稻梁肥

遠浦歸帆

歸鷺林邊白落霞天際明蒲帆載風急征棹逐  
漚輕稚子候江滸遙聞嬉咲聲

僊洲呈劉伯益沈莊仲

杜門久經時老我徒謬悠平生山水心汨：不

暇謀今辰定何辰木落風露秋忘懷  
兩佳士共約來僊洲杖藜欣躋攀  
空濛翠煙浮解帶小盤泊尋勝還  
經丘捫蘿坐石冷俯澗穿林幽露重  
巾屨濕涉歷青山頭瀑泉盡生寒  
晴雪散不收蜿蜒下大壑一闔千丈  
虬歸來坐危亭興與孤雲留野草  
為誰好巖花徒尔愁昔賢有遺蹤  
俯仰歲月流慨嘆不自禁陶然聊消  
憂

密庵題柱二首

清鍾靜室破窳歷灑氣空山生  
沈寥長林風送澗水急聒枕宛似  
春江潮五更清夢雞喚醒八月好  
景詩為催秋蟲夜靜野禽語風木  
天寒山雨來

責康

我生不辰八歲孤伯父薨逝  
於父無長終十五立志苦不敢  
怠惰知讀書汝生父子不識面  
母慈育字如捧珠那知汝更命  
苦極八齡甫及母

亦殂幸有阿叔相持扶叔亦痛念同氣餘辛勤  
鞠養力盡瘁五載為汝六請師因知門戶要人  
興切、訓誨口欲枯有言弗聽日益懶乖劣氣  
習移下愚揭來值我有行後恐汝質變為小夫  
携俱不憚數千里跳走健勝猿與狙水行為汝  
愛江湖出陸每愁山險紆川途憂愁念慮苦摩  
豈啻親子如傷舟終日滯蝦魚坐輿人夫肩  
改徒自費牙頰事不獲已施鞭蒲潛窺

諦視不少改謔浪咲傲仍前初聖經有味懶不  
讀對字粗曉平側呼吾家七世身業儒忠孝學  
術誇鄉閭汝當更明所自出挺、當代文公朱  
不悛祇為先德羞失教何異犬馬豬稍長面目  
益可憎儕輩戲弄人見踈我今極口復汝說速  
宜悔念母忽諸嬉遊儻更不檢束命也奈何吾  
已夫

光化儲文晨興摘郡圃桃見惠每顆有



重十三兩者他州未常見頃讀鄴中記  
勾鼻桃有重二斤者每竊咲之觀此信  
不誣矣光化去京止六七百里且地脉  
肥沃疑承平時得種來植

金盤磊砢大如瓜照乘驪珠未足誇  
含笑芳苞含美實爛然紅臉燦朝霞  
燕脂細擘漿流液珠琲輕揮露帶華  
一洗宿醒牙頰爽瑤池如宴母  
僊家

安康中秋書懷

去年中秋吾廬成月華逾書風露清  
今年中秋來安康風涼雨冷天無光  
去年把酒諸子與月落尊空未歸去  
今年把酒興如故有月無月不  
須慮婦翁歡喜婿遠來阿嬌見爺  
雙靨開是風是雨是明月管甚陰晴  
與圓缺但願吾身益強健莫使骨肉  
嘆南北

七禽詠

貫錢石八豆

貫錢石八豆充腸備梁糗飽嬉遊手兒初不事  
耕耨好衣好食街市女汗珠滴々田婦苦夫耘  
婦餉日卓午朝夕南山捕蟲鼠

不如歸去

不如歸去愁綠怨紅春欲暮汝勸行人歸行人  
勸汝住鳴聲不住良苦辛啼得血流無用處不  
如歸去吾今歸千聲萬聲尔何為

泥滑々

泥滑々泥滑々前聲住後聲發不道去年冬沒  
雪今年春早已三月々如金日如血大麥小麥  
盡枯竭使君祈禱走阡陌汝切勿啼泥滑々

行不得哥々

行不得喚阿兄向晚夕猶悲鳴坦々之途萬人  
履跛驚不休跬千里汝行不上可柰何日暮途  
遠無蹉跎

姑惡

姑惡姑惡家道立汝為人婦供婦職婦德婦功  
汝不能抱恨歿身空怨抑不化秋栢食不化山  
頭石化作春鳥鳴號呶何苦極

提葫蘆沽美酒

提葫蘆沽美酒酒美酒欲沽何處有官醪道遠不  
可得村釀濃酸難入口况當春暮暄暖初況浸  
醲郁醺體膚客中醉倒無人扶

早耕早布

早耕早布節物如流春色暮金房土瘠無稻田  
布耕播種上種去聲何處一春焦涸旱無雨麥穗  
藏頭猶未吐麥穗不吐人不憂粟田再種秋可  
收只愁夏料欠輸納悍吏坐門官不休

鄭鄉舟中睡覺書懷

晴空揚沙春茫、柳絮匝岸東風狂蓬牕雨畔  
高插起收拾萬象供吟章眼中物、盡時料應

接不暇勞迎將睡魔欺人晴晝長坦腹一枕這  
羲皇醒來意興難說似石鼎細味煎茶香江花  
無情為誰芳江草綠嫩肥牛羊游：渺：水曲  
折遠：近：山低昂容懷解后良未惡隱几抱  
膝聊徜徉故人念我天一方我亦千里遙相望  
相思用情何日了帶圍寬刺羞東陽不如且理  
文字五千卷搜吟拄腹撐枯腸

甲口翫月

山頭團：上明月偏與行人照離別月華只是  
尋常明照人離愁：思盈千古萬古是箇月如  
何有愁有歡悅君將此理細推尋悲歡元自由  
人心

蜀口枕上

清嘯孤猿半夜啼子規山狖共酸悲水風露月  
煙江冷正是離人睡覺時

淨口二絕句

一江春水綠油油，遠盡春山去不休。愧我虛舟  
無定著，追隨曲折與同流。  
修竹野竹碧琅玕，亂石懸崖劒戟攢。貪看野禽  
穿綠樹，不知舡已過前灘。

釣磯候舟

可以賦新詩，江清釣石磯。船移山勢動，灘急岸  
形飛。雲日林紅薄，晴煙野翠微。長歌漁父句，世  
事付蓑衣。

溪亭醉卧用季僊韻

客眠幽夢永，花氣著衣深。枕借溪中石，雲開體  
上衾。醒來揩亂眼，風雨滌煩襟。得句無人解，惟  
予識子心。

次溪園紀實韻

隨地安身樂有涯，萬鍾於我何加。左蠻右觸  
真成幻，浮利虛名總是花。草茁玉英新藥籠，火  
添金鼎舊舟芽。異時相見無驚訝，漆點雙瞳臉

鑒霞

新霽和人韻

晚天未霽烟張去  
霧浮埃蔽空  
雲擘絮西山遠  
掛月一眉澹  
寒輝生綺戶  
須臾仰視天中央  
清颿震拂銀河光  
人影在地林影散  
月出皎兮  
星斗燦

次叔通推官見寄二首

海錯園蔬富矣哉  
杜醪龍壻一時來  
放杯停筋

何似徑造無何半日回

時惠王家酒鮓鮓菜

君比昌黎頗似之  
號啼不問但吟詩  
貯儲甚愧鄰僧詎  
不與盧仝更與誰

久雨秋懷二首

孤雲野鶴情自在  
碧水丹山人易安  
哀鴻獨暮天  
閣宿鷺雙飛  
秋雨寒蔗林遮眼  
青到市栢葉漫山  
紅隔水不將濁酒急  
驅除滿意風光誰

料理

漢陰抱甕自其志彭澤折腰非本心碧梧委路  
霜信早黃菊護籬秋氣深稻場可羨西疇老紅  
釀黃雞醉翁媪自咲吾儂計太迂愁滿吟懷詩  
未了

再次叔通來字詩字韻二首

秋雲冥冥未開霽搔首懷人人未來特地送將  
雙鯉去果然換得兩詩回  
誰念溪翁我念之折腰為米見諸詩春秋夏棧

苦縈抱不似東坡更似誰

次叔通見寄四首韻

萬箱未獲交偏謫積雨不翅三日霖如將翳處  
日忽露似欲霽間雲復深况當邊報置郵速詎  
識老儒憂世心讀君詩罷三太息嘿不晤語行  
礧陰苦雨

掀髯停盃一問之細讀白柄長錦詩我生託子  
以為命世路艱危徒尔為北闕不才書莫上西

山有味去何辭流風餘韻只在眼須信古今同  
一時乞米

江山到眼一披豁世念攬思三且休文章苦心  
雕琢歲月老我徒謬悠欲譚圓覺識佛祖更  
期浮立宗盟暮年味嚼蠟灰木萬念

五峰環抱潭一曲溪頭楊柳下栽  
糴種香遠舍梨柿熟歸來書在床出

去雲滿屋蕭散樂予心可謂享清福  
晚福

東屯莊監稱六言三首

讀書不執箋注治生奚用豐財詩吟一首兩首  
酒飲三杯五杯石田茆屋無恙不與亂生蒼苔  
天末鴻飛無際沙頭鷺立倍鮮霞明東崦箇裏  
煙抹西山那邊上馬吟詩未竟舉頭望月俄圓  
割盡黃雲萬頃春成玉粒千倉出甌香粳滿舍  
厭糟新酒盈垆田家慚愧時熟官賦催徵可償



邀趙行之陳敬叟未至四韻速之

一別親朋歲月催  
衿連袂屬肯俱來  
交情聊叙  
慇懃意野蕪  
隨宜三兩杯  
新月窺簷頻起  
願清風動竹幾驚  
猜碧雲日暮山環  
合竚立柴扉  
首  
屢回

陳洮湖取古今梅詩自鮑明遠降至今  
日名勝集中所賦悉和之凡千首計三  
十六卷十日然後讀畢用其叙中四韻

和題其後

照眼梅花雪作堆  
陰崖寒谷帶春回  
千篇墮我吟邊去  
萬里懷人書未來  
遶樹政須搜苦語  
攀條那忍負芳杯  
長鏡幾度鋤明月  
盡是劉郎手  
自裁

和林處士梅詩八首 有叙

和靖梅章傳播今古  
洮湖賡和發越  
詞華殆使後人不復  
敢措諸辭然人

各有懷吟各有趣何處縮氣今雖千  
篇抑未為富焉異時騷人詞客吟賦  
不已吾見其少也未見其多也偶夜  
醉一筆和成不自知其句語云何呀  
是豈予之言哉梅憑言於予者也諸  
兄亦將為梅所憑矣毋作寒蟬致梅

姍晒

年：江上見梅時憶著西湖處士詩香暗影疎

清到骨水邊籬下雪融枝可知寒谷先回律會  
聖東皇旨與私竹迳松扉留作伴莫教風伯肆  
狂吹

芳菲猶未露春妍已是梅開溪上園香靜細參  
花外意眼明應笑霧中昏自憐拙思污吟筆誰  
賦新詩入夢魂風味滿前難料理急招佳客對  
開尊

梅花濕露未全乾青女橫陳故作難  
卯醉：如

申醉：晚寒：似曉寒：園林雪後清孤甚京  
洛塵中子細看自是丰神無與比肯同桃李戀  
雕鞍

寂寞吟懷誰與開前村除是竹邊梅清尊撩觸  
香三嗅短日吟搜腸九回石路與風隨袖入茆

簷和月上牕來

謂暗香  
疎影

幾番客散庭空處獨倚

寒梢更一杯

犯寒不怕雪蒙頭蹋石穿林不暫休千首詩成

千首意十分春瘦十分愁飛添官額粧同

插鬢雲香共留勉續清吟知筆弱苦無風度

花羞

雪皎花明夜不迷借光何假吏然臍詠吟自我  
形長短斟唱從渠付淺低誰識標梅詩十賦絕  
勝紅葉御溝題明朝杖屨山行去約束牛羊勿  
踐蹊

一樹纔開玉未殘忍此風雪耐此寒不須俗子

聯翩去政要幽人自在看  
白玉堂中春信早黃  
金琰裏酒痕乾後凋  
孰與堅盟約松竹青  
、共  
歲闌

尋春山徑坐班荆  
食壘芳尊後乘并  
觴詠隨宜  
無限趣塵囂不到  
有餘清風流天賦  
幽閑態寂  
寞霜明冷澹情  
若把春葩歸品藻  
此花端的冠  
群英

與政仲山行見梅偶成併和其詩二首

曉巖石壁據嵯嵬  
烟檻風篁十數栽  
約客偶行  
花外逕舉頭俄見竹  
邊梅背陰寒谷無人問  
著  
句陽春有意裁  
慚愧心腸非鐵石  
携壺遶樹日  
千回

梅花端的記年芳  
每到開時起一陽  
綠水湖邊  
和靖句含章簷下壽  
陽粧昏、澹月疎、影緩  
、清風細、香不比  
芳春萬紅紫  
蕩人狂思費  
思量

水僊花分韻得鴻字

借水開花體態豐  
護畦寒日玉瓏瑤  
素槃黃琰清尊並  
綠箸青簪白髮同  
楚凌波明振鷺  
翩、遵渚潔飛鴻  
斷腸莫賦招魂句  
我政憐渠趣未窮

感事懷人送春病酒曉起五首

把酒傷春暮何人  
慰寂寥才高融未薦  
魂斷玉空招賦就  
青陽曲吟成白紵  
謠拊欄三太息幽

憤幾磨消感事

節物隨時換朱明  
斗轉杓波肥溪鱖壯  
風暖谷鶯嬌青草  
溪頭岸紅欄水際  
橋懷人無數舍我  
欲致書招懷人

煮醞青梅且共嘗  
遊蜂飛蝶為誰忙  
鞦韆絲索迷青草  
車馬紅橋鎖綠楊  
春事戰回蒲劍老  
詩腸結盡柳絲長  
韶光賦別休匆遽  
疑佇東風更

一觴送春

積雨平田水接天  
乍晴雲日煥山川  
淨無餘馥  
延春艷綺有繁陰  
長夏妍泛  
荷衣青倚蓋輕  
柳絮白飛綿  
一聲布穀催清曉  
節物驚心挽  
醉眠病酒

雙眉不皺樂平生  
一斗時能對客傾  
曉枕恰醒  
紅日上篆爐未歇  
紫烟明畫橋貼水  
輕飛燕綠  
牖依山靜  
囀鶯隨雨  
隨時看天氣  
緩扶筇杖  
遠園行  
曉起

賓從集藕花堂分韻得園字二十韻

流金燦石火  
燎燭何地泄  
此畏暑  
裨草堂幸有  
茆三間  
今浸十畝泉  
有源醲琮瑋  
下空山  
金石  
憂擊聲潺湲  
太華峰頭  
十丈蓮  
吾儂玉井親移  
根開華結實  
今幾年  
紅幢綠蓋  
風翻  
捲舒萬  
柄搖蒼烟  
香苞芳萼  
錦綺繁雲  
將急雨  
珠濺圓  
日焙晴酣  
香勝蓀  
龜魚竊廕  
鷗鷺眠  
勾致屬玉  
棲雙鴛  
房青子  
碧甘剝  
鮮瀉白  
條翠冰  
堆盆嚼

之清冷醒醉視猶可招邀慰文園君胡不聞李  
誦僊聲名飄然譽開元忽傳詔草白蓮序一掃  
意到無餘言又知蘇州韋不凡風清月曉之江  
樊形容委曲識花趣妙語歷々成訂論我今對  
花難著句挹取香氣臨牕軒俱來亦有二三子  
將壇共築旗同擗搜吟連下一轉語縮手無畏  
前輩尊但今次之二老間勿効砒砒亂瑣璫少  
需紅日西沉山從容特為開芳尊晚色婉靜更

麤娟詠到東方生晚暎

外舅安撫遊東湖一聯云潤衣紅濕池  
荷雨拂面清冷檻竹風即席令足成之  
庚伏人間暑氣隆納涼留客詠詩翁潤衣紅濕  
池荷雨拂面清冷檻竹風沙嘴舊痕平不露野  
灣新漲曲相通畫橈澹月人歸處萬蓋翻々湧  
翠筩

楊戶曹用外舅二詩韻見寄和以酬之

得不知所止泛然乘風船正大辱啓蒙似欲駕  
我僊大哉周孔心異彼祇漆園講月琢以磨豈  
在耘人田  
切問而近思進、在不已流光駒過隙遷變一  
彈指道大無津涯詎作井蛙喜公私義利分亦  
各從其類

請遊山之日於黎廣久二首寺有萬竹  
此君元不俗幽趣逼蒼官濁世三庚熱空山六

月寒何憂懷抱隘便搯水雲寬敬請遊盤日追  
隨杖屨看  
聞說江隈裏雲巖古寺深不妨相喚集作意共  
登臨苦茗供朝盃伊蒲饌晚鶩天風吹皓月歸  
路細披襟

上王通守傳易數  
名文孫王沂公後

大哉皇羲古神聖八卦始畫天地闢乾效於天  
坤法地六子運用眇難測天理人文一宣朗萬



化昭然從此出發明游更三聖手動靜機緘皎  
如日自從戰國周綱頽是道亦幾乎暫息漢儒  
衆說徒專門後世可聞無幾及傳流吾宋盛  
文物學老儒宗相繼述濂溪伊洛紹韋編數至  
邵公精筭策秭今南渡九十年統會宗元孰  
探賸恭惟先生蘊其祕口不宣言藏以臆愚雖  
不敏敢敬請願執門墻灑掃役先生學識際天  
人先生手提六經筆俯察仰觀關鍵透虛激寸

心叅大極不鄙愚昧謂之進啓迪狂迷窺  
他年衣鉢得親傳誓言力造神明德

和

先天奧學果何傳造化機緘存闔闢精微儻  
入神範天地謂可俄而測粵從三畫扶秘蘊乾  
元庶物因首出湯推陰盭六子成致用坎離為  
日月天人相與妙難誥斯道豈容秦火息九家  
分派流愈遠緯讖紛非所及韋編三絕繫聖

經微言尚切明作述我生苦晚心好古謾索圖  
書考龜策浩如烟海無津涯自哂蓬心窺至蹟  
衆言淆亂折以理是非安敢決諸臆吉凶前定  
信可推人事堪憐空役々優游姑樂環中趣默  
參經世用皇極較量得失心自知議論無用形  
於筆觀君氣宇元靜定何慮不優入聖閭不鄙  
謂予可相友願鑿渾沌以報德  
方是閒居士小藁上卷



